



Tuhaararhaq

21 Inuit Nunavunmiut iniqtiqtait talvanga Nunavutim Iilitariyauplutik Ilihangnikkut

IQALUIT, Nunavut (July 1, 2009) – Katimariaqtillutik Iqalungni, 21 Inuit hivuliqtiit ilinniaqnikkut tamaani Nunavunmi iniqtitait iliharutngit uplumi titiqqitjunmik piplutik iniqtirutainnik Iilitariyauplutik Ilihangnikkut Ilihaqvikiyuamit Prince Edward Island mi.

“Puiruqtaulimaiktuq una upluk ilinniaqnikkun Nunavunmi”, uqaqtuq Minista Ilinniaqtuliyiikkunni Louis Tapardjuk. “Piqarnik Inuinnaqnik hivuliqtiinik ilinniaqnikkun nakuuqpiiaqtuq pitjutipgiplugu nutaaq *Ilinniaqtuliyiikkut Maligaa* taamnalu *Inuit Uqauhingnun Tammaqtalinirmun Maligaa*. Kavamavut hivumut pitjutillutik tikitjutinahuakhutik hivunikhaitnut piyauhimaguni talvani *Tamapta mi*, havaqatiriittiaqtukhauyugut piqariagannik amigaikyuummiklutik Nunavutigit ilihavikhanik havaakhaniklu hamani nunaptingni. Quviahuutigiyatka tapkua pitjutiinakhungungmatta iniqtiqtut”.

Iilitariyauplutik Ilinniaqnikkun Hivuliqtiunirmun Ilihaiplutik hivulliutigiyauyuq ilihavikhaq Nunavunmi. Una ilihaitjut pipkaiyuq ilihaitiinnut hamaniipkaghurit nunaptingni iniqtiqtillutik ilihaitamangnik, ilihaitkaffuqattakhutik pinggahuni uqiuni utiqattakhutik ilihaitkhaannut Iqalungni Kangiqliniqmilu, talvuunalu tiiviiitigut ilihaitplutik unggahiqtumut.

Una ilihavikhaq aallagavyaqtuq uataamit ilitturiplutik Inuit ilihaitjutikhainnik ilinniaqnikkun hivuliqtiunirmun. Pivalliyauyuq pitjutiunilu paannariiplutik UPEI kut, Nunavut Ilinniaqtuliyiikkut, Nunavut Uqiuktaqtumi Ilihaqvikiyuat St. Francis Xavier Ilihaqvikiyuanggatlu. Una ilihavikhaq nalvaqparaat atuqtararhaini *Inuit Qaujimagatuqangitni* Inuit Iliqhuhingitnilu, ikayuqtauplutik Nunavut Iningnikhaitnit piyauplunittauq tamaini Inuit uqauhiatni Qaplunaatitlutu.

“Una iniqtirut nakuuqpiiaqtuq UPEI kunnut Havaktunutlu Ilinniaqtuliyiikkunni, tamaininlu nunallaat Nunavunmi, pipkaingmatta haffuminga iliharutmik”, uqaqtuq UPEI Anggiyuqqaanga Wade MacLauchlan. “Quviahuutiriyauyukhat taapkuat 21 iniqtiqtut iliharutmik ilihaitkaiyutlu havattiakhutik ilihairutmik iniqtingmattalu”.

Ilitturiyuriaqtillutik, Nunavut Hivuliqtinga Eva Ariak Minista Tapardjuklu tunihiyut iniqtiqtirutinirmun titiraitnik ilitturiyauhimagunut Iningnikhat, Mariano Aupilardjuk Meeka Arnagaqlu. Mariano Aupilardjuk philosopher gupluni, hanayauyi, numiqti, titiraqtiulluaqtiupluni igiuqtuni pitkuhingnut havakti akhurudjiuplunilu nunakahuni Kangiqlinirmi. Meeka Arnakuq ilitariyauhimaguyq ilinniaqnikkun, uqaqtiupluni mamihainirmun katimapkaipluni uqautjaugupluni Inuktitut uqauhiatnik Pangnirtuungmiutaq.

UPEI kut Iilitariyauplutik Ilinniaqtuliyiikkut Hivuliqtiit Ilihairutainnut piyauffaangniaqmiuq 2010 gukkat.

###

Naunaittiagumaguvit:

Catriona Macleod
Naalaqtulirinirmun Atanguyaa
Ilinniaqtuliriyiikkut
☎ 867 975 5624
✉ cmacleod@gov.nu.ca

Anne McCallum
Naalaqtulirinirmun Qauyihaiyir
Ilihaqvikiyuanggat Prince Edward Island mi
☎ 902 566 0760
✉ aemccallum@upei.ca